



BOSNIA AND HERZEGOVINA  
MINISTRY OF FOREIGN TRADE AND  
ECONOMIC RELATIONS

 BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

Broj: 06-02- 50-1-16-47-1 /10  
Sarajevo, 22.07.2010. godine

PRIMLJENO: 2. 8. 2010.			
Organizaciona jedinica	Klasifikaciona oznaka	Redni broj	Broj priloga
02-50-1-16-47/10			

PARLAMENTARNA SKUPŠTINA BOSNE I HERCEGOVINE  
DOM NARODA

n/r. Predsjedavajuća Doma naroda, gosp. Dušanka Majkić

Predmet : Delegatsko pitanje delegata Hazima Rančića

Poštovana,

U prilogu Vam dostavljamo odgovor na delegatsko pitanje delagata Hazima Rančića, postavljeno na 47. sjednici Doma naroda Parlamentarne skupštine Bosne i Hercegovine, održanoj 24. juna 2010. godine.

S poštovanjem.



MINISTAR

Mladen Zirojević



**BOSNA I HERCEGOVINA**  
**VIJEĆE MINISTARA**

**Obrazac za pripremu prijedloga odgovora**  
**na poslaničko pitanje**

Broj: 06 – 50 – 2445-1/10.  
Sarajevo, 22.07.2010.godine

**PRIJEDLOG**

HAZIM RANČIĆ, poslanik u Domu naroda Parlamentarne skupštine Bosne i Hercegovine, na 47. sjednici Doma naroda održanoj 24.06.2010. godine, postavio je slijedeće poslaničko pitanje:

„Da li Uprava i Upravni odbor AD Elektroprenos Banja Luka rade u skladu sa Zakonom?“

Na postavljena poslanička pitanja, Vijeće ministara Bosne i Hercegovine je na sjednici održanoj \_\_\_\_\_ godine, utvrdilo slijedeći

**ODGOVOR**

Djelatnost prenosa električne energije u Bosni i Hercegovini je regulisana „Zakonom o prijenosu, regulatoru i operatoru sistema električne energije u Bosni i Hercegovini“ („Službeni glasnik BiH“, br. 7/02 i 13/03) i „Zakonom o osnivanju Kompanije za prijenos električne energije u Bosni i Hercegovini“ („Službeni glasnik BiH“ broj 35/04).

Prema navedenim zakonima, Ministarstvo vanjske trgovine i ekonomskih odnosa je nadležno za kreiranje politike (Član 3. Zakona o prijenosu, regulatoru i operatoru sistema električne energije u Bosni i Hercegovini) dok je državna regulatorna komisija za električnu energiju ovlaštena da vrši uvid u poslovne knjige i arhiv a na osnovu licence koju je izdala Elektroprenos-u BiH za vršenje funkcije jedinstvene kompanije za prijenos električne energije u BiH. Nadležnosti Vijeća ministara u elektroprenosnoj djelatnosti su definisane i u članu 9. Zakona o osnivanju Elektroprenosa BiH prema kojem su obavezni na saradnju Vlade entiteta i Vijeće ministara BiH radi razmatranja i rješavanja pitanja od zajedničkog interesa koja se odnose na implementaciju Zakona i na druga pitanja koja se odnose na uspješan rad i upravljanje Kompanijom.

Vijeće ministara, odnosno Ministarstvo vanjske trgovine i ekonomskih odnosa Bosne i Hercegovine smatra da je rješavanje problema u radu kompanije “Elektroprenos BiH, a.d. Banja Luka” u nadležnosti entitetskih vlada koje su vlasnici kompanije.

Slijedom dogovora entitetskih premijera od 06.11.2008. godine i u skladu sa odlukom OHR-a od 17.09.2009. godine rad uprave Kompanije je formalno deblokiran 16.11.2009. godine održavanjem sastanka Upravnog odbora Elektroprenosa. Stanje blokade rada Elektroprenosa je trajalo od maja 2008. godine od kada nije bilo sastanaka Uprave i Upravnog odbora Kompanije.

Upravni odbor Kompanije je na sjednici održanoj 16.11.2009. godine donio odluku da se raspiše konkurs za izbor i imenovanje sledećih članova Uprave kojima su istekli mandati:

- Generalnog direktora
- Izvršnog direktora za rad i održavanje sistema,
- Izvršnog direktora za finansije i administraciju i
- Izvršnog direktora za pravne poslove

U toku je izbor generalnog direktora, a nakon toga uz učešće generalnog direktora treba biti završen izbor i imenovanja ostalih članova Uprave Kompanije. Procedura izbora Generalnog direktora je još u toku bez stvarnog razloga jer je kompletna procedura završena i Upravni odbor treba da izvrši imenovanje.

Na posljednjem sastanku Upravnog odbora Kompanije, održanom 24. juna 2010. godine, dat je nalog Upravi Kompanije da pripremi Planove za period 2010-2012. godine i dostavi Upravnom odboru na razmatranje u roku 20. dana, nakon čega bi se sazvala Skupština akcionara. Po dobijenim informacijama, Uprava Kompanije se sastajala više puta ali nije usvojila Planove za period 2010-2012. godine koje treba dostaviti Upravnom odboru Elektroprenosa na razmatranje.

Na sastanka u Beču, 17.02.2010. godine koji je inicirao Sekretarijat Energetske zajednice a kojem su prisustvovali ministri iz Bosne i Hercegovine gđin Mladen Zirojević, gđin Vahid Hećo i gđin Slobodan Puhalac sa saradnicima, donesen je zaključak da se formira Radna grupa za Elektroprenos od strane Ministarstva vanjske trgovine i ekonomskih odnosa Bosne i Hercegovine sa ciljem deblokade rada Kompanije. Radnu grupu čini po tri člana, predstavnika akcionara te predstavnik MVTEO BiH i to : dr. Admir Softić, koordinator (MVTEO BIH) te članovi dr. Nikola Mojović, dr. Ljubo Glamočić, Radmila Cvejanović (MIER RS), Gordana Čengić, Ramiz Mehmedagić, Tarik Begić (FMER). Zadaci Radne grupe su da uradi analizu postojećeg stanja u kompaniji „Elektroprenos BiH“ koja će uključiti aspekte: Zakonodavnog okvira, organizacije, rukovođenja, donošenja odluka, investicionog planiranja te da se identificiraju uzroci blokade rada kompanije. Rok za završetak rada Radne grupe za Elektroprenos bio je mjesec dana a navedeni rok je dogovoren na sastanku u Beču. Do sada je održano 6. sastanaka Radne grupe za Elektroprenos gdje su predstavnici Radne grupe iz RS-a i F BiH iznijeli svoj prijedlog promjene Statuta Kompanije u pogledu efikasnog upravljanja Kompanijom. U međuvremenu, zbog sezone godišnjih odmora imamo poteškoće kod sazivanja sastanaka Radne grupe, tako da je predviđeni rok višestruko produžen.

Na kraju, naglašavamo da se sedmi sastanak Radne grupe za Elektroprenos treba održati u avgustu 2010. godine ali termin sastanka zbog godišnjih odmora još nije određen. Na sedmom sastanku Radne grupe za Elektroprenos, predviđeno je usaglašavanje prijedloga Statuta od strane članova Radne grupe nakon čega će se napraviti usaglašeni izvještaj prema ministru MVTEO BiH i Sekretarijatu Energetske zajednice.

BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE  
DOM NARODA

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

PRIMLJENO:	24.6.10		
Organizaciona jedinica	Klasifikaciona oznaka	Redni broj	Broj priloga
02	50-1-16	47	10

DELEGAT  
Hazim Rančić

#### DELEGATSKO PITANJE

- Ministarstvu vanjske trgovine i ekonomskih poslova
- Upravi AD Elektroprenos Banja Luka
- Upravnom odboru AD Elektroprenos Banja Luka

Da li Uprava i Upravni odbor AD Elektroprenos Banja Luka rade u skladu sa Zakonom?

#### Obrazloženje

Po informacijama iz medija ova tijela ne rade, niti uopšte održavaju sjednice. Da li je blokiran rad ove važne institucije u oblasti funkcionisanja tržišta električne energije? Zahtjevam cjelovit izvještaj o radu ove institucije i zjašnjenje Uprave i Upravnog odbora.

Sarajevo, 24.06.2010. godine

DELEGAT  
Hazim Rančić  
*Hazim Rančić*